

景德傳燈錄卷第十九

濟九

宋沙門道原纂

吉州青原山行思禪師第六世

福州雪峯義存禪師法嗣四十二人二十一人見錄

福州安國弘璗禪師

襄州雲蓋山歸本禪師

韶州林泉和尚

洛京南院和尚

越州洞巖可休禪師

定州法海院行周禪師

杭州龍井通禪師

漳州保福從展禪師

泉州睡龍道溥禪師  
杭州龍興寺宗靖禪師

福州南禪契璠禪師

泉州越山師鼐禪師

南嶽金輪可觀禪師

泉州福清玄訥禪師

韶州雲門文偃禪師

衢州南臺仁禪師

泉州東禪和尚

餘杭大錢山從襲禪師

福州永泰和尚

池州和龍山守訥禪師

建州夢筆和尚

福州古田極樂元儼禪師

福州芙蓉山如體禪師

洛京憩鶴山和尚

潭州鴻山棲禪師

吉州潮山延宗禪師

益州普通山普明大師

隨州雙泉梁家庵永禪師

漳州保福超悟禪師 太原孚上座

南嶽惟勁禪師

台州十相審起禪師

湖州盧山訥禪師

新羅國大無爲禪師

湖州玄暉禪師

湖州清淨和尚

益州永安雪峯和尚  
撫州明水懷忠禪師  
杭州耳相行修禪師  
嵩山安德禪師

已上十一人無機緣語句不錄

青原山行思禪師第六世

福州雪峯義存禪師法嗣

濟九

福州安國院明真大師弘瑤泉州人也姓陳  
氏幼絕葷茹自誓出家於龍華寺東禪始圓  
戒體而造于雪峯雪峯觀其少雋堪爲法器  
乃導以本心信入過量復徧參禪苑獲諸方

三昧却迴雪峯。雪峯問什麼處來。曰江西來。雪峯曰什麼處見達磨。曰分面向和尚道。雪峯曰道什麼。曰什麼處去來。一日雪峯見師。忽摶住曰。盡乾坤是箇解脱門。把手教伊入。不肯入。曰和尚怪弘瑫不得。雪峯曰。雖然如。此爭奈。背後許多師僧何。師因舉國師碑文。云得之於心。伊蘭作栴檀之樹失之於旨。甘露乃蒺藜之園。拈問僧曰。一語須具得。失兩意。汝作麼生道。僧舉拳曰。不可喚作拳頭也。師不肯。亦舉拳別云。只爲喚這箇作拳頭師。

受請止國山。毳徒臻集。後閩帥禦師道德命居安國寺大闡玄風。徒餘八日矣。僧問如何。是西來意。師曰。是即是。莫錯會。問如何。是第一句。師曰。問問。問學人上來。未盡其機。請師盡機。師良久。僧孺拜。師曰。忽到別處。人問汝。作麼生舉。曰。終不敢錯舉。師曰。未出門已見笑。具問如何。是達磨傳底心。師曰。素非後躅。問如何。是宗乘中事。師曰。不可爲老兄散却衆也。問不落有無之機。請師全道。師曰。汝試斷看。問如何。是一毛頭事。師拈起袈裟。僧曰。

乞師指示師曰抱璞不須頻下淚來朝更獻  
楚王看問寂寂無言時如何師曰更進一步  
問凡有言句皆落因緣方便不落因緣方便  
事如何師曰桔槔之士頻逢抱甕之流罕遇  
問向上一路千聖不傳未審和尚如何傳師  
曰且留口喫飯著問如何是高尚底人師曰  
河濱無洗耳之叟磻溪絕垂釣之人問十二  
時中如何救得生死師曰執鉢不須窺衆樂  
履冰何必步參差問學人擬問宗乘師還許  
也無師曰但問僧擬問師乃唱出問目前生

死如何免得師曰把將生死來問知有底人  
爲什麼道不得師曰汝爺名什麼問如何是  
活人之劔師曰不敢瞎却汝曰如何是殺人  
刀師曰只這箇是問不犯鋒鎚如何知音師  
曰驢年去問苦遊廬乞師一言師曰何殺沉  
吟曰爲什麼如此師曰也須相悉好問常居  
正位底人還消人天供養否師曰消不得曰  
爲什麼消不得師曰是什麼心行曰什麼人  
消得師曰著衣喫飯底消得師舉赫和尚住  
招慶時在法堂東角立謂僧曰這裏好致一

問僧便問和尚爲何不居正位。稟曰爲汝恁麼來曰即今作麼生稟曰用汝眼作麼。師舉畢乃曰他家恁麼問別是箇道理如今作麼生道後安國曰恁麼即大衆一時散去得也。師亦自代曰恁麼即大衆一時禮拜。

濟九

四

襄州雲蓋山雙泉院歸本禪師亦曰西雙泉  
以隨州有東雙泉故也京兆府人也。幼出家十六納戒念法華經初禮雪峯雪峯下禪牀跨背而坐。師於是省覺僧問如何是雙泉。師曰可惜一雙眉。曰學人不會。師曰不曾煩禹力湍流事不知。問

如何是西來的意。師乃擋住其僧變色。師曰我這裏無這箇。師手指纖長特異于人。號手相大師。

韶州林泉和尚先住僧問如何是塵。師曰不覺成丘山。師謁白雲慈光大師辭出自白雲門送扶師下階曰款款莫教躡倒。師曰忽然躡倒又作麼。生白雲曰更不用扶也。師大笑而退。

洛京南院和尚問如何是法。法不生。師曰生也有儒士博覽古今。時人呼爲張百會。一日

來謁師師曰莫是張百會麼曰不敢師以手於空畫一畫曰會麼曰不會師曰一尚不會什麼處得百會來

越州洞巖可休禪師問如何是洞巖正主第十九師曰開著問五如何是和尚親切爲人處師曰大海不宿死屍問如何是向上一路師舉衣領示之間學人遠來請師方便師曰方便了也定州法海院行周禪師問風恬浪靜時如何是吹毛劒第十九師曰拽出死屍著

杭州龍井通禪師處棲上座問如何是龍井龍師曰意氣天然別神工畫不成曰爲什麼畫不成師曰出羣不戴角不與類中同曰還解行雨也無師曰普潤無邊際處處皆結粒曰還有宗門中事也無師曰有曰如何是宗門中事師曰從來無形段應物不曾虧問如何是吹毛劒師曰拽出死屍著

漳州保福院從展禪師福州人也姓陳氏年十五禮雪峯爲受業師十八本州大寧寺具戒遊吳楚間後歸執侍雪峯一日忽召曰還光曰莫便是否師曰是即露也

會麼師欲近前雪峯以杖拄之師當下知歸作禮而退又常以古今方便詢于長慶稜和尚稜深許之長慶稜和尚有時云寧說阿羅漢有三毒不說如來有二種語不道如來無語只是無二種語師曰作麼生是如來語曰

聾人爭得聞師曰情知和尚向第二頭道長慶却問作麼生是如來語師曰喫茶去雲居錫云

麼生道得勦絕長慶良久師曰情知和尚向山鬼窟裏作活計長慶却問作麼生師曰兩手扶犁水過膝一日長慶問見色便見心還見船子麼師曰見曰船子且置作麼生是心師却指船子歸宗柔別云和雪峯謂衆曰諸尚只解問人六清九

上座到望州亭與上座相見了到烏石嶺與上座相見了到僧堂前與上座相見了師舉問鵝湖曰僧堂前相見即且置只如望州亭

問鵝湖曰僧堂前相見即且置只如望州亭

烏石嶺什麼處是相見鵝湖驟步入方丈師

歸僧堂東禪齊云此二尊宿會處六清九

梁貞明四

年丁丑歲漳州刺史王公欽承道譽創保福禪苑迎請居之開堂日王公禮跪三請躬自扶掖升堂師曰須起箇笑端作麼然雖如此再三不容推免諸仁者還識麼若識得便與古佛齊肩時有僧出方禮拜師曰晴乾不肯去要待雨淋頭僧乃申問曰郡守崇建精舍大闢真風便請和尚舉揚宗教師曰還會麼曰恁麼即羣生有賴也師曰莫把那不淨塗汚人好僧出禮拜師曰大德好與麼莫覆却船子問泯默將何爲則師曰落在什麼處曰

不會師曰瞌睡漢出去師見一僧乃以杖子打露柱又打其僧頭僧作忍痛聲師曰那箇爲什麼不痛僧無對玄覺代云貪行拄杖問摩騰入漢一藏分明達磨西來將何指示師曰上座行脚事作麼生曰不會一作師曰不會會取好莫傍家取人處分若是久在叢林粗委此子遠近可以隨處任真其有初心後學未知次序山僧所以不惜口業向汝道塵劫來事只在如今還會麼然佛法付囑國王大臣郡守昔同佛會今方如是若是福祿榮貴則且不論只

如當時受佛付囑底事還記得麼若識得便與千聖齊肩儻未識得直須諦信此事不從人得自己亦非言多去道轉遠直道言語道斷心行處滅猶未是在久立珍重異日上堂大衆雲集師曰有人從佛殿後過見是張三李四從佛殿前過爲什麼不見且道佛法利害在什麼處僧曰爲有一分纏境所以不見師乃叱之自代曰若是佛殿即不見僧曰不是佛殿還可見否師曰不是佛殿見什麼問十二時中如何據驗師曰恰好據驗曰學人

爲什麼不見師曰不可更捏目去也問主伴重重極十方而齊唱如何是極十方而齊唱師曰汝何不教別人問問因言辯意時如何師曰因什麼言僧低頭良久師曰擊電之機徒勞佇思問欲入無爲海須乘般若船如何是般若船師曰便請曰便恁麼進去時如何師曰也是涅槃堂裏漢師見僧喫飯乃托鉢曰家常僧曰和尚是什麼心行有尼到參師曰阿誰侍者報曰覺師姑師曰既是覺師姑用來作麼尼曰仁義道中即不無師自別云

和尚是什麼心行玄覺因舉法眼見僧捨土助汝僧云謝和尚慈悲法眼不肯有一僧別云和尙是什麼心行法眼便休玄覺微云此二則語一般別有道處閩帥遣使送朱記到師上堂曰去即印住住即印破僧曰不去不住用印奚爲師乃打之僧曰恁麼即山鬼窟裏

全因今日也師默而已玄覺云什麼處是山鬼窟叢林中道住在不去不住處便是山鬼窟所以打破如此師商量正是鬼窟且道保福打伊意作麼生師

是山中人師曰汝試邀掠看曰若不黠兒幾成邀掠師曰汝是黠兒曰和尚是什麼心行師曰來言不豐師見僧數錢乃展手曰乞我一錢曰和尚因何到恁麼地師曰我到恁麼地曰若到恁麼地將取一文去師曰汝爲何到恁麼地師問僧什麼處來曰江西觀音師曰還見觀音麼曰見師曰左邊見右邊見曰見時不歷左右法眼別云如和尚見問如何是入火不燒入水不溺師曰若是水火即被燒溺師問真讚云徒觀紙與墨不是山中人僧問如何

勢曰和尚莫謾某甲師曰却是汝謾我問欲達無生路應須識本源如何是本源師良久却問侍者適來僧問什麼其僧再舉師乃喝出曰我不患聾問學入近入叢林乞師全示入路師曰若教全示我却禮拜汝師見一僧乃曰汝作什麼業來得恁麼長大曰和尚短多少師蹲身作短勢僧曰和尚莫謾人好師曰却是汝謾我師令侍者屈隆壽長老云但獨自來莫將侍者來壽曰不許將來爭解離得師曰大殺恩愛壽無對師自代曰更謝和

清九

九

尚上足傳示師住保福僅一紀學衆常不下七百其接機利物不可備錄閩師禮重爲奏命服唐天成三年戊子示有微疾僧入丈室問訊師謂之曰吾與汝相識年深有何方術相救僧曰方術甚有聞說和尚不解忌口鑑法解別云和尚忌口鑑法又謂衆曰吾旬日來氣力困劣別無他只是時至僧問時既至矣師去即是住即是師曰道曰恁麼即某甲不敢造次師曰失錢遭罪言訖跏趺告寂即三月二十一日也

泉州睡龍山道溥號弘教大師福州福唐人也姓鄭氏寶林院受業自雪峯印心住五峯上堂曰莫道空山無祇待便歸方丈僧問凡有言句不出大千頂未審頂外事如何師曰凡有言句不是大千頂曰如何是大千頂師曰摩醯首羅天猶是小千界問初心後學近入叢林方便門中乞師指示師敲門枋僧曰向上還有事也無師曰有曰如何是向上事師再敲門枋

杭州龍興宗靖禪師台州人也初參雪峯密

承宗印乃自誓充飯頭服勞逾十載嘗於衆堂中袒一膊釘簾雪峯覩而記曰汝向後住持有千僧其中無一人衲子也師悔過辭歸故鄉住六通院錢王命居龍興寺有衆千餘唯三學講誦之徒果如雪峯所誌周廣順初年八十一錢王請於寺之大殿演無上乘黑白駢擁僧問如何是六通奇特之唱師曰天下舉去問如何是六通家風師曰一條布衲一斤有餘僧問如何是學人進前一路師曰誰敢謾汝曰豈無方便師曰早是屈抑也問

如何是和尚家風師曰早朝粥齋時飯曰更  
請和尚道師曰老僧因曰畢竟作麼生師大  
笑而已錢王特加禮重屢延入府以始住院  
署六通大師顯德元年甲寅季冬月示滅壽  
八十四塔于大慈山

福州南禪契璠禪師上堂曰若是名言妙句  
諸方總道了也今日衆中還有超第一義者  
致得一句麼若有即不孤負於人時有僧問  
如何是第一義師曰何不問第一義曰見問  
師曰已落第二義也問古佛曲調請師和師  
師曰已落第二義也

曰我不和汝雜亂底曰未審爲什麼人和師  
曰什麼處去來

越州諸暨縣越山師<sub>羽</sub>號鑒真禪師初參雪  
峯而染指後因閩王請於清風樓齋坐久舉  
目忽覩日光豁然頓曉而有偈曰

清風樓上赴官齋清九此日平生眼豁開  
方知普通年遠事不從葱嶺路將來  
歸呈雪峯雪峯然之僧問如何是佛身師曰  
汝問那箇佛身曰釋迦佛身師曰舌覆三千  
界師臨終時集衆示一偈曰

眼光隨色盡 耳識逐聲消 還源無別旨

今日與明朝

偈畢跏趺而逝

南嶽金輪可觀禪師福州福唐人也姓薛氏  
依石佛寺齊合禪師披剃戒度既圓便參雪  
峯雪峯曰近前師方近前作禮雪峯舉足蹋  
之師忽然冥契師事十二載復歷叢林止南  
嶽法輪峯師上堂謂衆曰我在雪峯遭他一  
蹋直至如今眼不開不知是何境界僧問如  
何是西來意師曰不是大衆夜參後下堂師

召曰大眾衆迴首師曰看月大眾看月師曰  
月似彎弓少雨多風衆無對問古人道毗盧  
有師法身有主如何是毗盧師法身主師曰  
不可牀上安牀問如何是日用事師撫掌三  
下僧曰學人未領此意師曰更待什麼問從  
上宗乘如何爲人師曰我今日未喫茶曰請  
師指示師曰過也問正則不問請師傍指師  
曰抱取猫兒去師問僧什麼處來曰華光師  
即托出閉却門僧無對問路逢達道人不將  
語默對未審將何對師曰咄出去師問僧作

麼生是覲面事曰請師鑒師曰恁麼道還當  
麼曰故爲即不可師曰別是一著問如何是  
靈源一路師曰踢過作麼雪峯院主有書來  
招師曰山頭和尚年尊也長老何不再入嶺  
一轉師迴書曰待山頭和尚別有見解即入

嶺有僧問如何是雪峯見解師曰我也驚

泉州福清院玄訥禪師高麗人也初住福清  
道場傳象骨之燈學者歸慕泉守王公問如  
何是宗乘中事師叱之僧問如何是觸目善  
提師曰閻黎失却半年糧曰爲什麼失却半

年糧師曰只爲圖他一斗米問如何是清淨  
法身師曰蝦蟆曲蟮問教云唯一堅密身一  
切塵中現如何是堅密身師曰驢兒貓兒曰  
乞師指示師曰驢馬也不會問如何是物物  
上辨明師展一足示之師住福清三十年大  
闡玄風終於本山

韶州雲門山文偃禪師姑蘇嘉興人也姓張  
氏初參睦州陳尊宿發明大旨後造雪峯而  
益資玄要因藏器混衆于韶州靈樹敍禪師  
法席居第一座敍將滅度遺書於廣主請接

踵住持師不忘本以雪峯爲師開堂日廣主  
親臨問曰弟子請益師曰目前無異路法眼別云不可無師云莫道今日謾諸人好抑不得已  
向諸人前作一場狼籍忽遇明眼人見謂之笑具如今亦不能避得也且問你諸人  
一場笑具十三  
從上來有什麼事欠少什麼向你道無事亦  
是謾你也須到這田地始得亦莫趁口亂問  
自己心裏黑漫漫地明朝後日大有事在你  
若是根性遲迴且向古人建化門庭東觀西  
觀看是箇什麼道理汝欲得會麼都緣是汝

自家無量劫來妄想濃厚一期聞人說著便  
生疑心問佛問祖向上向下求覓解會轉沒  
交涉擬心即差況復有言莫是不擬心是麼  
更有什麼事珍重師上堂云我事不獲已向  
你諸人道直下無事早是相埋沒了也你諸  
人更擬進步向前尋言逐句求覓解會千差  
萬巧廣設問難只是贏得一場口滑去道轉  
遠有什麼休歇時此箇事若在言語上三乘  
十二分教豈是無言語因什麼更道教外別  
傳若從學解機智得只如十地聖人說法如

雲如雨猶被呵責見性如隔羅縠以此故知  
一切有心天地懸殊雖然如此若是得底人  
道火不可燒終日說事不曾掛著唇齒未曾  
道著一字終日著衣喫飯未嘗觸著一粒米  
掛一縷線雖然如此猶是門庭之說也得實

得恁麼始得若約衲僧門下句裏呈機徒勞  
佇思直饒一句下承當得猶是瞌睡漢師云  
三乘十二分教橫說豎說天下老和尚縱橫  
十字說與我捻針鋒說底道理來看恁麼道  
早是死馬醫雖然如此且有幾箇到此境界

不敢望汝言中有響句裏藏鋒瞬目千差風  
恬浪靜伏惟尚饗珍重師上堂云諸兄弟盡  
是諸方參尋知識決擇生死到處豈無尊宿  
垂慈方便之詞還有透不得底句麼出來舉  
看老漢大家共你商量時有僧出來禮拜擬

舉次師云去去西天路迢迢十萬餘間學人  
簇簇地商量箇什麼師云大眾久立師云舉  
一則語教汝直下承當早是撒屎著汝頭上  
直然拈一毫頭盡大地一時明得也是剜肉  
作瘡雖然如此汝亦須實到這箇田地始得

若未切不得掠虛却退步向自己根脚下推尋看是箇甚麼道理實無絲髮與汝作解會與汝作疑惑汝等各各且當人一段事大用現前更不煩汝一毫頭氣力便與祖佛無別自是諸人信根淺薄惡業濃厚突然起得許多頭角擔鉢囊千鄉萬里受屈且汝諸人有什麼不足處大丈夫漢阿誰無分觸目承當得猶是不著便不可受人欺謾取人處分纔見老和尚動口便好把將石轂口塞便是屎上青蠅相似聞競接將去三箇五箇聚頭地

商量若屈兄弟他古德一期爲你諸人柰何所以方便垂一言半句通汝入路這般事捨放一邊獨自著些子筋骨豈不是有少許相親處快與快與時不待人出息不保入息更有什麼身心別處閑用切須在意在意珍清九十五

重師云盡乾坤一時把將來著汝眼睫上你諸人聞恁麼道不敢望你出來性燥把老漢打一摑且緩緩子細看是有是無是箇什麼道理直饒向這裏明得若遇衲僧門下好搥折兩脚汝若是箇人聞說道什麼處有老宿

出世便好薦面唾汚我耳目汝若不是箇脚  
手纔聞人舉便當荷得早落第二機也汝且  
看他德山和尚纔見僧上來拽拄杖便打趁  
睦州和尚纔見僧入門來便云現成公案故  
汝三十棒自餘之輩合作麼生若是一般掠  
虛漢食人涎唾記得一堆一擔楂楂到處馳  
騁驢脣馬觜誇我解問十轉五轉話饒你從  
朝問到夜論劫恁麼還曾夢見也未什麼處  
是與人著力處似這般底有人屈衲僧齋也  
道我得飯喫堪什麼共語他日閻羅王面前

不取你口解說諸兄弟若是得底人他家依  
衆遣日若也未得切莫容易過時大須子細  
古人大有葛藤相爲處即如雪峯和尚道盡  
大地是汝夾山云百草頭上薦取老僧闍市  
裏識取天子樂普云一塵纔舉大地全收一  
毛頭師子全身總是汝把取翻覆思量日久  
歲深自然有箇入路此事無你替代處莫非  
各在當人分上老和尚出世只是爲你證明  
汝若有少許來由且昧你亦不得你若實未  
得方便撥汝則不可兄弟一等是踢破草鞋

拋却師長父母行脚直須著些子精彩始得  
實若有箇入頭處遇著咬猪狗脚手不惜性  
命入泥入水相爲有可咬嚼貶上眉毛高掛  
鉢囊拘折拄杖十年二十年辨取徹頭莫愁  
不成辨直是今生未得徹頭來生亦不失人

出九

十六

身向此箇門中亦乃省力不虛孤負平生亦  
不孤負師長父母十方施主直須在意莫空  
遊州獵縣橫擔拄杖一十二千里走趁這邊  
經冬那邊過夏好山水堪取性多齋供易得  
衣鉢苦屈圖他一粒米失却半年糧如此行

脚有什麼利益信心檀越把菜粒米作麼生  
消得直須自看時不待人忽然一日眼光落  
地前頭將什麼抵擋莫一似落湯螃蟹手脚  
忙亂無你掠虛說大話處莫將等閑空選時  
光一失人身萬劫不復不是小事莫據目前  
俗子尚道朝聞道夕死可矣況我沙門曰夕  
合履踐箇什麼事大須努力努力珍重師云  
汝等沒可作了見人道著祖意便問箇超佛  
越祖之談汝且喚那箇爲佛那箇爲祖且說  
箇超佛越祖底道理問箇出三界你把將三

界來看有什麼見聞覺知隔礙著你有什麼聲色可與你了了什麼椀以阿那箇爲差殊之見他古聖不奈何橫身爲物道箇舉體全真物物覲體不可得我向你道直下有什麼事早是相埋沒了也實未有入頭處且中私獨自參詳除却著衣喫飯屙屎送尿更有什麼事無端起得許多妄想作什麼更有一般底恰似等閑相似聚頭學得箇古人話路識性記持妄想卜度道我會佛法了也只管說葛藤取性過時更嫌不稱意千鄉萬里拋却

清大士  
十一

老爺嬪師長和尚作這般底去就這打野裡漢有什麼死急行腳師上堂云故知時運澆醜迨于像季近日師僧北去禮文殊南去遊衡嶽若恁麼行脚名字比丘徒消信施苦哉苦哉問著黑似漆相似只管取性過時設使有三箇兩箇枉學多聞記持詰路到處覓相似言語印可老宿輕忽上流作薄福業他日閻羅王釘你之時莫道無人向你說若是初心後學直須著精神莫空記人說多虛不如少實向後只是自賺有什麼事近前師上堂

大眾雲集師以拄杖指面前云乾坤大地微塵諸佛總在裏許爭佛法各覓勝負還有人諫得麼若無人諫得待老漢與你諫時有僧出云便請和尚諫師云這野狐精師云汝諸人傍家行脚皆是河南海北名各盡有生緣所在還自知得試出來舉看老漢與汝證明有麼有麼出來汝若不知老漢謾你去也汝欲得知若生緣在北北有趙州和尚五臺山有文殊總在這裏若生緣在南南有雪峯卧龍西堂鼓山總在這裏汝欲得識麼向這裏

識取若不見亦莫掠虛見麼見麼且看老僧騎佛殿出去也珍重師上堂云天親菩薩無端變作一條榔木杖乃畫地一下云塵沙諸佛盡向這裏葛藤便下堂師云我看你諸人二三機中不能構得空披衲衣何益汝還會麼與汝注破久後諸方若見老宿舉一指堅一拂子云是禪是道拄杖打破頭便行若不如此盡是天魔眷屬壞滅吾宗汝若不會且向葛藤社裏看我尋常向汝道微塵剝土三世諸佛西天二十八祖唐土六祖盡在柱

卷九  
十一

杖頭上說法神通變現聲應十方一任縱橫  
你還會麼若不會且莫掠虛然雖據實實是  
諦見也未直饒到此田地未審夢見衲僧沙  
彌在三家村裏不逢一人師驀起以拄杖劃  
地一下云總在這裏又劃一下云總從這裏  
出去珍重師上堂云和尚子衲僧直須明取  
衲僧鼻孔且作麼生是衲僧鼻孔衆皆無對  
師云摩訶般若波羅蜜今日大普請下去師  
上堂云諸和尚子饒你道有什麼事猶是頭  
上著頭雪上加霜棺木裏瞪眼灸瘡癩上著

艾樵這箇一場狼籍不是小事你合作麼生  
各自覓取箇托生處好莫空遊州獵縣只欲  
捉擋閑話待老和尚口動便問禪問道向上  
向下如何若何大卷抄了塞在皮袋裏卜度  
到處火爐邊三箇五箇聚頭口喃喃舉更道  
十九  
這箇是公才語這箇是從裏道出這箇是就  
事上道遮箇是體語體你屋裏老爺老娘哩  
却飯了只管說夢便道我會佛注了也將知  
你行脚驢年得箇休歇麼更有一般底纔聞  
人說箇休歇處便向陰界裏閉眉合眼老鼠

孔裏作活計黑山下坐鬼趣裏體當便道得箇入頭路夢見麼似這般底打殺一萬箇有什麼罪過喚作打底不遇作家至竟只是箇掠虛漢你若實有箇見處試捻來看共你商量莫空不識好惡矻矻地聚頭說閑葛藤莫教老漢見捉來勘不相當槌折腳莫道不道你還皮下有血麼到處自受屈作麼者滅胡種盡是野狐羣隊總在這裏作麼以拄杖一時趁下問如何是佛法大意師曰春來草自青師問新羅僧將什麼物過海曰草賊敗也

師引手曰汝爲什麼在我手裏曰恰是師曰更跨跳問牛頭未見四祖時如何師曰家家觀世音曰見後如何師曰火裏熊蟻吞大蟲問如何是雲門一曲師曰臘月二十五問如何是雪嶺泥牛吼師曰天地黑曰如何是雲門木馬嘶師曰山河走問從上來事請師提綱師曰朝看東南暮看西北曰便恁麼領會時如何師曰東屋裏點燈西屋裏暗坐間十二時中如何即不得不空過師曰向什麼處著此一問曰學人不會請師舉師曰將筆硯來

僧乃取筆硯來師作一頌曰

舉不顧 即差互 擬思量 何劫悟

問如何是學人自己二十一 師曰遊山覩水曰如何  
是和尚自己二十二 師曰賴遇維那不在問一口吞

盡時如何二十三 師曰我在汝肚裏曰和尚爲什麼  
在學人肚裏二十四 師曰還我話頭來問如何道二十五 師  
曰去曰學人不會請二十六 師道 師曰闡黎公憑分  
明何得重判二十七 問生死到來如何排遣二十八 師展手  
曰還我生死來問如何是父二十九 母不聽不得出  
家三十 師曰淺曰學人不會三十一 師曰深問如何是學

人自己三十二 師曰汝怕我不知問萬機俱盡時如  
何三十三 師曰與我拈却佛殿來與汝商量曰佛殿  
宣關他事三十四 師喝曰這謾語漢問如何是教外  
別傳一句三十五 師曰對衆問將來曰直得恁麼時  
如何三十六 師曰照從何立問如何是和尚家風三十七  
師曰門前有讀書人問如何是透法身三十八 師曰  
北斗裏藏三十九 身問如何是西來意四十 師曰久雨不  
晴又曰粥飯氣問古人橫說豎說猶未知向  
上一關捩子如何是向上四十一 一關捩子四十二 師曰西  
山東嶺青問如何是西來意四十三 師曰河裏失錢

河裏撈師有時坐良久僧問何似釋迦當時  
師曰大衆立久快禮三拜師嘗有頌曰

雲門聳峻白雲低 水急遊魚不敢樓  
入戶已知來見解 何煩再舉轍中泥

衢州南臺仁禪師問如何是南臺境師曰不

知計九貴曰畢竟如何師曰闡黎即今在什麼處

師後遷住本郡鎮境寺而終

泉州東禪和尚初開堂僧問仁王迎請法王  
出世如何提唱宗乘即得不謬於祖風師曰  
還奈得麼曰若不下水焉知有魚師曰莫閑

言語問如何是佛法最親切處師曰過也問  
學人未後來請師最先句師曰什麼處來問  
如何是學人已分事師曰苦問如何是佛法  
大意師曰幸自可憐生剛要異鄉邑

餘杭大錢山從襲禪師雪峯之上足也自本

師印解洞曉宗要常曰擊關南鼓唱雪峯歌  
後入浙中謁錢王王欽服道化命居此山而  
闡法焉僧問不因王請不因衆聚請師直道  
西來的意師曰那邊師僧過這邊著曰學  
人不會乞師指示師曰爭得恁麼不識好惡

問閉門造車出門合轍如何是閉門造車師曰造車即不問汝作麼生是轍曰學人不會乞師指示師曰巧匠施工不露斤斧

福州永泰和尚問承聞和尚見虎是否師作

虎聲僧作打勢師曰這死漢問如何是天真

佛師乃拊掌曰不會不會

池州和龍山壽昌院守訥號妙空禪師福州閩縣人也姓林氏受業於古田壽峯問未到龍門如何湊泊師曰立命難存有新到僧參師問近離什麼處曰不離方寸師曰不易來

僧亦曰不易來師與一掌問如何是傳底心第十九師曰再三囑汝莫向人說問如何是從上宗乘師曰向閻黎口裏著得麼問省要處請師一接師曰甚是省要

建州夢筆和尚問如何是佛師曰不誑汝曰

莫便是否師曰汝誑他閩王請師齋問和尚還將得筆來也無師曰不是稽山繡管慚非月裏兔毫大王既垂顧問山僧敢不通呈又問如何是法王師曰不是夢筆家風

福州古田極樂元儼禪師問如何是極樂家

風師曰滿目看不盡問萬法本無根未審敎學人承當什麼師曰莫窺語問久處暗室未達其源今日上來乞師一接師曰莫閉眼作夜好曰恁麼即優曇華坼曲爲今時向上宗

風如何垂示師曰汝還識也無曰恁麼即息

疑去也師曰莫向大衆窺語問摩騰入漢即不問達磨來梁時如何師曰如今豈謬曰恁麼即理出三乘花開五葉師曰說什麼三乘五葉出去

福州芙蓉山如體禪師僧問如何是古人曲

調師良久曰聞麼曰不聞師示一頌曰古曲發聲雄第十九今時韻亦同若教第一指祖佛盡迷蹤

洛京憩鶴山和尚栢谷長老來訪師曰太老去也谷曰還我不老底來第二十師與一摶問駿馬

不入西秦時如何師曰向什麼處去

潭州鴻山棲禪師問正恁麼時如何親近師曰沒擬作麼生親近曰豈無方便門師曰開元龍興大藏小藏問如何是速疾神通師曰新衣成弊帛問如何是黃尋橋師曰賺却多

少人問不假忉忉如何是和尚家風師曰莫作野干聲

吉州潮山延宗禪師資福和尚來謁師下禪

牀接資福問曰和尚住此山得幾年也師曰  
鈍鳥棲蘆因魚止箔曰恁麼即真道人也師  
曰且坐喫茶問如何是潮山師曰不宿屍曰  
如何是山中人師曰石上種紅蓮問如何是  
和尚家風師曰切忌犯朝儀

益州普通山普明大師問如何是佛性師曰  
汝無佛性曰蠢動含靈皆有佛性學人爲何

却無師曰爲汝向外求問如何是玄玄之珠  
師曰這箇不是曰如何是玄珠師曰失却  
也

隨州雙泉山梁家庵永禪師問達磨九年面  
壁意如何師曰睡不著護國長老來師問隨  
陽一境是男是女各申一問問各別長老  
將何祇對護國以手空中畫一圓相師曰謝  
長老慈悲曰不敢師低頭不顧問如何得頓  
息諸緣去師曰雪上更加霜

漳州保福院超悟禪師第十二住問魚未透龍門

時如何師曰養性深潭曰透出時如何師曰纔昇霄漢衆類難追曰昇後如何師曰慈雲普覆潤及大千曰還有不受潤者無師曰有曰如何是不受潤者師曰直杌擇太陽

濟九  
升四  
太原孚上座徧歷諸方名聞宇宙嘗遊浙中

登徑山法會一日於大佛殿前有僧問上座曾到五臺否師曰曾到曰還見文殊麼師曰見曰什麼處見師曰徑山佛殿前見其僧後適閩川舉似雪峯曰何不教伊入嶺來師聞乃趨裝而邁初上雪峯廨院憩錫因分柑子

與僧長慶稜和尚問什麼處將來師曰嶺外將來曰遠涉不易擔負得來師曰柑子柑子方上參雪峯禮拜訖立于座右雪峯纔顧視師便下看主事異日雪峯見師乃指目示之師搖手而出雪峯曰汝不肯我師曰和尚搖頭某甲擺尾什麼不肯和尚曰到處也須諱却一日衆僧晚參雪峯在中庭卧師曰五州管內只有這和尚較些子雪峯便起去雪峯嘗問師曰見說臨濟有三句是否師曰是曰作麼生是第一句師舉目視之雪峯曰此猶

是第二句如何是第一句師叉手而退自此  
雪峯深器之室中印解師資道成師更不他  
遊而掌浴室焉一日玄沙上問訊雪峯曰此  
間有箇老老鼠今在浴室裏<sup>庚九</sup>玄沙曰待與和  
尚勘破言訖到浴室遇師打水<sup>庚十</sup>玄沙曰相看  
上座師曰已相見了玄沙曰什麼劫中曾相  
見師曰瞌睡作麼玄沙却入方丈白雪峯曰  
已勘破了雪峯曰作麼生勘伊玄沙舉前語  
雪峯曰汝著賊也鼓山晏和尚問師父母未  
生時鼻孔在什麼處師曰老兄先道晏曰如

今生也汝道在什麼處師不肯晏却問作麼  
生師曰將手中扇子來晏與扇子再徵之師  
默置晏固測乃毆之一拳師在庫前立有僧  
問如何是觸目菩提師踢狗子作聲走僧無  
對師曰小包子不消一踢師不出世諸方目  
爲太原孚上座終于維揚

南嶽般舟道場寶聞大師惟勁福州人也素  
持苦行不衣縉纊惟壞衲以度寒暑時謂頭  
陀焉初參雪峯深入淵奧復問法玄沙之席  
心印符會一日謂鑒上座曰聞汝註楞嚴經

傳皆流傳于世

鑒曰不敢師曰二文殊汝作麼生註曰請師  
鑒師乃揚袂而去唐光化中入南嶽住報慈  
東藏亦號三生藏中有鏡燈一座即華嚴第三  
祖賢首大師之所製也師覩之頓喻廣大法  
界重重帝網之門佛佛羅光之像因美之曰

此先哲之奇功苟非具不思議善權之智何  
以創焉乃著五字頌五章覽之者悟理事相  
融後終於南嶽師於梁開平中撰續寶林傳  
四卷紀貞元之後禪門繼踵之源流也又製  
七言覺地頌廣明諸教緣起別著南嶽高僧

景德傳燈錄卷第十九

第十九

十六